

15

積穀得衣其威重漢遣司馬及吏士屯田伊脩以鎮之

卽此城是也胡以西有鄯善大城遂爲小鄯善今屯城也

新城東去石城鎮二百卅里康艷典之居鄯善先脩此城因名新城漢爲弩之城

蒲桃城南去石城鎮四里康艷典所築種蒲桃於此城中因號蒲桃城

薩毗城西北去石城鎮四百八十里康艷典所築其城近薩

20

毗澤山險阻恒有吐蕃及土谷渾來往不絕

鄯善城周廻一千六百卅步西去石城鎮廿步漢鄯善城

見今摧壞

幡仙鎮

故且末國也漢書西域傳云去上都六千八百廿里隋置且末郡上元三年改幡仙鎮

古屯城在屯城西北 湟末河源從南山大谷口出其源

去鎮城五百里經且末城下過因以爲名以前城鎮並陷吐蕃

25

蒲昌海在石城鎮東三北百廿里其海周廣四百里漢書

西域傳云黃河西源(兩之訛)一出葱嶺一出于闐在南山下其

河北流与葱嶺河合東注蒲昌海一名塩澤者也去玉

門陽關三百餘里伏流地下南出積石山爲中國河焉也

伊州下公廨七百卅千 戶一千七百廿九 鄉七

30

右古昆吾國西戎之地周穆王伐西戎昆吾獻赤刀是也